

segmentoque genitali maris inferne mutico mox distinguendus. Corpus colore varians, supra obscure sanguinescenti-fuscum vel pallide griseo-flavescens, subtus nigro-fuscum, interdum totum ochraceum, supra pallidius; superne brevius nigro-pubescentis, pilis fragilibus argenteis intermixtis, inferne pallido-pubescentis. Caput fortiter nutans, basi pronoti fere duplo angustius et ejus apice paullulum latius, dilute sanguineo-fuscum vel ferrugineum vel fuscescenti-ochraceum, margine postico pallide flavescente, clypeo nigro vel fusco, vel totum pallide ochraceum, clypei apice lorisque fuscescentibus. Rostrum coxas posticas attingens, ferrugineum vel obscure testaceum, apice nigrum. Oculi sub-laeves. Antennae nigrae, articulo secundo latitudine pronoti basali circiter  $\frac{1}{4}$ — $\frac{1}{3}$  brevior, apicem versus sensim paullo crassior et interdum dilutius fusco, duobus ultimis albidis, simul sumtis secundo longitudine aequalibus. Pronotum basi quam apice fere duplo latius, apice longitudine paullo angustius, obscure sanguineo-fuscum vel griseo-flavescens, callis fuscescenti-ochraceis, vel totum pallide ochraceum, basin versus saepe albicans. Scutellum obscure sanguineo-fuscum vel pallide ochraceum vel grisescenti-flavescens, basin versus saepe dilute fuscescenti-ochraceum. Hemelytra obscure sanguinescenti-fusca, embolio cuneoque saturatius pictis, vel albicanti-ochracea, embolio cuneoque ochraceo-flavis, vel tota pallide griseo-flavescens; membrana varicolore, ut supra in diagnosis varietatum dictum. Pectus piceo-nigrum vel ochraceum. Abdomen piceo-nigrum vel nigro-fuscum vel ochraceum. Pedes rufescenti-ferruginei vel pallide flavo-testacei, tarsi fuscis vel fuscescentibus et saltem articulo ultimo fusco.

## 2. *Maurodactylus nigricornis* JAKOVL.

Tab. II, fig. 4.

*Diagnosis:* Supra dilute albido-ochraceus vel albicans, interdum pronoto et scutello virescenti-albis, albido-pubescentis, antennis totis nigris vel nigro-fuscis, articulis duobus ultimis simul sumtis secundo longioribus, hoc pronoti latitudine basali circiter duplo brevior; tarsi articulo tertio secundo longiore. Long. ♀  $2\frac{3}{4}$  mm.

*Var. α:* Dilute albido-ochracea, capite ochraceo-flavo, abdomine saepe virescente.

*Syn.:* *Psallus nigricornis* JAKOVL. in litt.

*Var. β:* Ut *var. α*, sed clypei marginibus et apice, loris medioque pectoris piceis.

*Var. γ:* Supra albicans, scutello pronotoque virescentibus, capite, verticis linea postica vittaque longitudinali frontis exceptis, pectore fere toto coxisque, apice excepto, piceo-nigris; femoribus posticis dilute picescentibus; abdomine virescenti-flavo, dorso nigro.

*Hab.* in Rossia meridionali ad Astrachan!, D. JAKOVLEFF. *Var. γ* in Turkestan! legit D. FEDTSCHENKO.